

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

Broj: 02-02-7-2137/17  
Sarajevo, 7.12.2017. godine

**Z A P I S N I K**

**15. VANREDNE SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 7.12. 2017. godine**

Sjednica je počela u 14:35 sati.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je pozdravila prisutne delegate, premijera Federacije Fadila Novalića, zamjenike premijera, Jelku Milićević i Veska Drljaču, prisutne ministre, predstavnike medija, međunarodnih organizacija, udruženja i goste.

Izostanak sa sjednice opravdali su Amor Mašović i Vesna Saradžić.

Na osnovu evidencije Stručne službe predsjedavajuća je konstatirala da sjednici prisustvuje 48 delegata što čini većinu pa Dom naroda može raditi i punovažno odlučivati.

Nije bilo prijedloga za izmjenu i dopunu predloženog dnevnog reda.

Predsjedavajuća je obavijestila delegate da je Vlada Federacije dostavila sljedeće prijedloge akata s prijedlogom da se razmatraju po hitnom postupku i to:

- Prijedlog zakona o penzijskom i invalidskom osiguranju
- Prijedlog odluke o izmjenama i dopunama Budžeta Federacije Bosne i Hercegovine za 2017. godinu,
- Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2017. godinu i
- Prijedlog zakona o izmjeni i dopunama Zakona o federalnim upravnim taksama i Tarifama federalnih upravnih taksi.

Premijer Federacije Bosne i Hercegovine dostavio je dopis 28.11.2017. godine u kojem predlaže da Prijedlog zakona o penzijskom i invalidskom osiguranju bude razmatran u redovnoj proceduri odnosno u formi Nacrta. Također, Predstavnički dom je

na 23. vanrednoj sjednici od 6.12.2017. godine razmatrao ovaj zakon u formi Nacrta. Zakonodavno-pravna komisija Doma naroda je također predložila da ovaj zakon bude razmatran u formi Nacrta.

Vlada Federacije dostavila je dopis 20.11.2017. godine kojim iz parlamentarne procedure povlači Prijedlog odluke o izmjenama i dopunama Budžeta Federacije Bosne i Hercegovine za 2017. godinu i Prijedlog zakona o izmjenama i dopunama Zakona o izvršavanju budžeta Federacije Bosne i Hercegovine za 2017. godinu.

Istovremeno, Vlada Federacije dostavila je novi Prijedlog odluke o izmjenama i dopunama Budžeta Federacije Bosne i Hercegovine za 2017. godinu i Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2017. godinu uz prijedlog da budu razmatrani po hitnom postupku.

Zatim, predsjedavajuća je stavila na glasanje prijedlog da ovi akti budu razmatrani po hitnom postupku i konstatirala da:

- Dom naroda Parlamenta Federacije nije prihvatio da Prijedlog zakona o penzijskom i invalidskom osiguranju bude razmatran po hitnom postupku, jer je za glasalo šest delegata, osam delegata je bilo uzdržano, a 29 delegata je bilo protiv, te će ovaj zakon biti razmatran u formi Nacrta;
- Dom naroda Parlamenta Federacije je prihvatio da Prijedlog odluke o izmjenama i dopunama Budžeta Federacije Bosne i Hercegovine za 2017. godinu bude razmatran po hitnom postupku, jer je za glasalo 30 delegata, 10 delegata je bilo uzdržano, a šest delegata je bilo protiv;
- Dom naroda Parlamenta Federacije je prihvatio da Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2017. godinu bude razmatran po hitnom postupku, jer je za glasalo 29 delegata, sedam delegata je bilo uzdržano, a devet delegata je bilo protiv;
- Dom naroda Parlamenta Federacije je prihvatio da Prijedlog zakona o izmjeni i dopunama Zakona o federalnim upravnim taksama i Tarifama federalnih upravnih taksi bude razmatran po hitnom postupku, jer je za glasalo 30 delegata, šest delegata je bilo uzdržano, a devet delegata je bilo protiv.

Predsjedavajuća je konstatirala da je Dom naroda, sa 33 glasa za, sedam glasova protiv i pet uzdržanih glasova usvojio sljedeći

## **D N E V N I R E D**

1. Prijedlog odluke o izmjenama i dopunama Budžeta Federacije Bosne i Hercegovine za 2017. godinu - hitni postupak,

2. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2017. godinu - hitni postupak,
  3. Prijedlog zakona o izmjeni i dopunama Zakona o federalnim upravnim taksama i Tarifi federalnih upravnih taksi - hitni postupak,
  4. Nacrt zakona o penzijskom i invalidskom osiguranju,
  5. Nacrt Budžeta Federacije Bosne i Hercegovine za 2018. godinu,
  6. Nacrt zakona o izvršavanju Budžeta Federacije Bosne i Hercegovine za 2018. godinu.
- 1. Prijedlog odluke o izmjenama i dopunama Budžeta Federacije Bosne i Hercegovine za 2017. godinu - hitni postupak**

Prijedlog odluke utvrdila je Vlada Federacije

Predstavnički dom Parlamenta Federacije je na 23. vanrednoj sjednici održanoj 6.12.2017.godine usvojio Prijedlog odluke o izmjenama i dopunama Budžeta Federacije Bosne i Hercegovine za 2017. godinu u tekstu kako ga je predložila Vlada Federacije.

Na Prijedlog odluke amandmane su podnijeli: Almedin Aliefendić - jedan Amandman, Aner Žuljević - dva amandmana i jedan Amandman zajednički su podnijeli delegati Daliborka Milović, Mustafa Kurtović, Edim Fejzić, Emir Frašto i Sanel Mušović.

Vlada Federacije je dostavila izjašnjenje kojim ne prihvata amandmane.

Prijedlog odluke razmatrala su nadležna radna tijela i dostavila svoje izvještaje.

Prijedlog odluke je obrazložio premijer Fadil Novalić.

U raspravi su učestvovali: Predrag Kojović, Mirvet Beganović, Željko Mirković, Admir Hadžipašić, Segmedina Srna Bajramović, Edim Fejzić, Aner Žuljević, Draženka Subašić, Muhamed Kozadra, Osman Ćatić, predsjednik Kluba delegata bošnjačkog naroda i Fadil Novalić, premijer.

Budući da podnosioci amandmana nisu odustali od amandmana, predsjedavajuća ih je stavila na glasanje i konstatirala da:

- Dom naroda Parlamenta Federacije nije usvojio Amandman koji su zajednički podnijeli delegati Daliborka Milović, Mustafa Kurtović, Edim Fejzić, Emir Frašto i Sanel Mušović, jer je za glasalo 25 delegata, jedan delegat je bio protiv, a 19 delegata je bilo uzdržano. Budući da je izražena sumnja u rezultate glasanja, pristupilo se poimeničnom glasanju koje je

obavio Izmir Hadžiavdić, sekretar Doma naroda. Na osnovu rezultata poimeničnog glasanja, predsjedavajuća je konstatirala da Dom naroda Parlamenta Federacije nije usvojio Amandman, jer su za glasala 24 delegata, jedan delegat je bio protiv, a 22 delegata su bila uzdržana.

Almedin Aliefendić i Aner Žuljević su odustali od amandmana. Almedin Aliefendić je predložio Zaključak kojeg je pročitao.

Dom je zatim glasao o Prijedlogu odluke.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 28 glasova za, deset uzdržanih glasova i deset glasova protiv, usvojio Prijedlog odluke o izmjenama i dopunama Budžeta Federacije Bosne i Hercegovine za 2017. godinu.

Budući da je Aner Žuljević, uz podršku dva delegata, izrazio sumnju u rezultate glasanja, pristupilo se poimeničnom glasanju koje je obavio Izmir Hadžiavdić, sekretar Doma naroda.

Na osnovu rezultata poimeničnog glasanja, predsjedavajuća je konstatirala da je Dom naroda Parlamenta Federacije sa 29 glasova za, devet uzdržanih glasova i deset glasova protiv, usvojio Prijedlog odluke o izmjenama i dopunama Budžeta Federacije Bosne i Hercegovine za 2017. godinu.

Nakon toga Dom je glasao Prijedlogu zaključka kojeg je predložio Almedin Aliefendić.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 40 glasova za i jednim uzdržanim glasom usvojio sljedeći

## **ZAKLJUČAK**

Dom naroda Parlamenta Federacije Bosne i Hercegovine zadužuje Vladu Federacije Bosne i Hercegovine da do kraja tekuće godine osigura dodatna sredstva za podršku ostalim kantonima, odnosno kantonalnim bolnicama u iznosu od 3.000.000 KM, a prema predloženim kriterijima broja stanovnika koji ostvaruju zdravstvenu uslugu u tim kantonima.

### **2. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2017. godinu - hitni postupak**

Prijedlog zakona utvrdila je Vlada Federacije

Predstavnički dom Parlamenta Federacije je na 23. vanrednoj sjednici održanoj 6.12.2017.godine usvojio Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2017. godinu sa Amandmanom koji je Vlada Federacije prihvatila na sjednici Predstavničkog doma, pa je postao sastavni dio Prijedloga zakona.

Prijedlog zakona razmatrala su nadležna radna tijela i dostavila svoje izvještaje.

U raspravi su učestvovali Željko Mirković i Admir Hadžipašić.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 30 glasova za, osam uzdržanih glasova i devet glasova protiv, usvojio Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2017. godinu.

### **3. Prijedlog zakona o izmjeni i dopunama Zakona o federalnim upravnim taksama i Tarifi federalnih upravnih taksi - hitni postupak**

Prijedlog zakona utvrdila je Vlada Federacije.

Predstavnički dom Parlamenta Federacije je na 22. vanrednoj sjednici održanoj 21.11.2017.godine usvojio Prijedlog zakona o izmjeni i dopunama Zakona o federalnim upravnim taksama i Tarifi federalnih upravnih taksi u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje

U raspravi nije niko učestvovao.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 36 glasova za, sedam uzdržanih glasova i tri glasa protiv usvojio Prijedlog zakona o izmjeni i dopunama Zakona o federalnim upravnim taksama i Tarifi federalnih upravnih taksi.

### **4. Nacrt zakona o penzijskom i invalidskom osiguranju**

Vlada Federacije utvrdila je Zakon.

Predstavnički dom Parlamenta Federacije je na 23. vanrednoj sjednici održanoj 6.12.2017.godine razmatrao Nacrt zakona o penzijskom i invalidskom osiguranju i Zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje

Nacrt zakona je obrazložio Vesko Drljača, federalni ministar rada i socijalne politike.

U raspravi su učestvovali: Željko Mirković, Aner Žuljević, Slaviša Šućur, Slađan Ilić, Osman Ćatić, predsjednik Kluba delegata bošnjačkog naroda, Draženka Subašić i Mirza Hadžiabdić, predstavnik sindikata policije u Federaciji BiH.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 30 glasova za, osam uzdržanih glasova i osam glasova protiv usvojio sljedeći

## **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o penzijskom i invalidskom osiguranju i smatra da može poslužiti kao osnov za izradu Prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, sjednicama klubova delegata i izvrši konsultacije sa zainteresiranim stranama.

### **5. Nacrt Budžeta Federacije Bosne i Hercegovine za 2018. godinu**

Vlada Federacije utvrdila je Nacrt Budžeta.

Predstavnički dom Parlamenta Federacije je na 23. vanrednoj sjednici održanoj 6.12.2017.godine razmatrao Nacrt Budžeta Federacije BiH za 2018. godinu i Zaključkom ga prihvatio.

Nacrt Budžeta razmatrala su nadležna radna tijela i dostavila svoje izvještaje

Nacrt Budžeta je obrazložio premijer Fadil Novalić.

U raspravi su učestvovali: Željko Mirković, Aner Žuljević, Osman Ćatić, Tomislav Martinović, predsjednik Kluba delegata hrvatskog naroda, Slaviša Šućur, Edim Fejzić, Drago Puzigaća, Mile Marčeta i Fuad Hadžimehmedović.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 32 glasa za, pet glasa protiv i devet uzdržanih glasova usvojio sljedeći

## **ZAKLJUČAK**

1. Dom naroda Parlamenta Federacije Bosne i Hercegovine prihvaća Nacrt Budžeta Federacije Bosne i Hercegovine za 2018. godinu i smatra da može poslužiti kao osnov za izradu Prijedloga Budžeta.

2. Zadužuje se predlagač da prilikom izrade Prijedloga budžeta Federacije Bosne i Hercegovine za 2018. godinu ima u vidu primjedbe, prijedloge i sugestije iznesene na sjednici Doma naroda, sjednicama klubova delegata kao i one dostavljene u pisanoj formi u roku od sedam dana.

## **6. Nacrt zakona o izvršavanju Budžeta Federacije Bosne i Hercegovine za 2018. godinu**

Vlada Federacije utvrdila je Nacrt zakona.

Predstavnički dom Parlamenta Federacije je na 23. vanrednoj sjednici održanoj 6.12.2017.godine razmatrao Nacrt zakona o izvršavanju Budžeta Federacije BiH za 2018. godinu i Zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje

U raspravi je učestvovao Đuro Delić.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 29 glasova za, četiri glasa protiv i devet uzdržanih glasova usvojio sljedeći

### **Z A K L J U Č A K**

1. Dom naroda Parlamenta Federacije Bosne i Hercegovine prihvata Nacrt zakona o izvršavanju Budžeta Federacije Bosne i Hercegovine za 2018. godinu i smatra da može poslužiti kao osnov za izradu Prijedloga Budžeta.
2. Zadužuje se predlagač da prilikom izrade Prijedloga zakona o izvršavanju Budžeta Federacije Bosne i Hercegovine za 2018. godinu ima u vidu primjedbe, prijedloge i sugestije iznesene na sjednici Doma naroda.

Sjednica je završena u 18:25.

\* \* \*

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆA

Lidija Bradara